

20160.199
39.1
部三:1~8

翼城縣志

疆域	星野	目錄	凡例	序	金集
沿革	建置	圖考	姓氏	纂修	原序

續修志序

翼城邑志肇修於前明萬曆戊申
邑令鄆公桂枝侍御史公學遷越
五十年至

國朝順治丁酉邑令胡公獻璠侍御上官公鉉
修之又越十七年至康熙癸丑邑令陳

公應官修之又越六十五年
至乾隆丁巳邑令李公居頤修之又越三十
四年至乾隆辛卯許公崇楷修之
自是以後至今已百有十年矣

朝久道化成重熙累洽其間純臣良吏文
人藝士孝子弟婦接踵而起若

指不勝屈咸豐初年粵匪擾邊境
焚掠之慘甚於明季及於五季頗不
乏人今先渚初歲大旱赤地千里
金不能易斗粟餓殍載道人相食
聖天子特漕發帑至存至三 星使閻公
撫憲曾公仰體

皇仁核實賑恤天因民氣大傷瘡痍難浚有
蠲免錢糧籌借籽種清釐荒地均
減差徭散給牛馬諸善政民困藉蘇
是治不可以不德使失此親見其事躬
與其役之人而不誌時過境遷必將日
就湮滅雅誥諸父老稽諸典章而猶

有知焉弗詳詳焉弗盡之憾也今
列憲議修山西通志檄徵各州縣志以
資考核平遠王明府耀章權翼篆篆
英邑之賢士大夫謀之未幾解組去長白
佛明府是圃繼其任廣搜博採因於前
志遺者補之冗者刪之誤者正之疑者

闕之梗概甫備而又主官予來宰是邦
本脩廢舉墜之心值徵文考獻之際不
獲以譎陋辭遂取其書而讀之喜其
參同訂異無支離穿鑿附會之說而
一邑之山川原隰土俗民風較名列眉洵
是有裨於治理復與紳士中多有學行

者討論商榷編為完書凡卷二十
有八未遵舊例不敢鬪靡誇多亦
不敢因陋就簡務期信今傳後以備
郡志省志之採擇纂修諸君自庚
辰之春二月起至辛巳之秋告成一載
有餘矢勤矢慎竭憲殫精之功蓋不

可沒若潤色而歸於至當尚有款款
洽之君子焉是為序

光緒七年歲次辛巳冬十月知翼城
縣事金匱龔履坦敬序



序

余業春秋而性耽諸史春秋雖尊為經實亦史也日星風雨城邑苑囿錫命爵列軍制稅法莫不筆之於書至於山川之險易民物

之豐耗與夫典禮之舉廢風尚之貞淫則三傳備矣列史自班馬以下雖互有得失然勸懲之旨記載之法皆本於春秋故其無關世教者事雖華而不錄而

其有闕焉者雖細而必詳
當余未通籍時嘗肆力於
其中而上下其議論以得
其貫通竊以為扶世立教
之功莫大於此生斯世者
苟不獲置身館閣從容藉

筆以繼前人不朽之業則
莫若師其意以纂述揚闡
於志乘之中蓋志乘者與
史相表裏者也特隱惡揚
善寓懲於勸其體裁義例
視史畧殊自夫春秋為聖

人所作而夏五郭公之類
猶不免於傳疑下至列史
之載或一地而兩屬或一
事而互異誠以作者當時
過境遷之後拾遺求舊無
成書可據無考宿可諮是

以詳畧失均舛訛滋甚使
當前史已往後史未來而
得一人焉出其見聞之實
以綢繆補綴於其間必有
事半而功倍者國史且然
況於志乘信斯言也續脩

翼志之舉案不得以謗陋
辭矣是志脩於前令滇南
李公居順為乾隆丁巳之
歲綱舉目張體要具備然
在歷三紀物換星移官制
時有增汰禮俗時有沿革

戶口賦役時有乘除解署
橋梁時有興造上之鴻裁
懿規下之幽光潛流亦時
有可法可導者案五載蒞
茲土脩葺廢墜惟日孜孜
於凡養士勤民之政固已

先其急者大者聿念激文
考獻踵往蹟而昭來許是
惟守土之責不可以後且
邑志者省志郡志之權輿
也失今不為使其更歷數
十寒暑則事迨日就湮滅

而繼事者愈憚其勞他日
郡國按籍而求將何所取
據焉故及瓜期之末代也
亟與僚屬紳士儲費展力
矢之以公持之以慎採資
博雅而總其大成凡五閱

月而功竣其中分條析類
悉仍前志無所更張唯訛
者正遺者補續紀者確而
不誣使其足以信近而行
遠而已後之官茲邑者總
土俗而知因勢利導之方

論人材而得興學立教之
法考形勢則山川瞭如指
掌占祥祲則星土彙若列
眉墉壑審濬築之宜田賦
絕冒隱之弊均徭以平政
崇祀以報功則是書亦不

無小補也夫是為序

乾隆三十六年歲次辛卯嘉
平下浣知翼城縣事古陶

許崇楷撰



原序

周禮春官小史掌邦國之志外史掌四方之志蓋記山川風土物產貢賦書也自秦罷侯爲守令而小史外史遂廢郡縣始得以志名志實史之權輿然缺而不備未可以信今備而不核未可以傳後則其事誠重且鉅也丁巳春余奉檄行縣至翼翼故有宋文潞國公軒登其地穆然興景仰之思低徊不忍去及觀其形勝翔臯丹山拱揖後先澮水金河映帶左右乃郡東南一粵區也爰搴帷四境眎其謠俗猶有陶唐遺風倘法戒茫然勸

翼城縣志

原序

章一

懲不立雖有良民譬猶瞽無相俛俛何之則志也者固斯民觀感之所由生乎滇南李君來宰是邑廉靜有守官事克勤以舊乘漫漶莫辨執簡力任之因謀於余余嘉嘆曰斯固良有司之職也前明李觀察維楨有言惟二三賢者以文獻取徵當官重務顧俗吏多苦簿書期會日不暇給視博綜掌故爲迂濶事不復省記至有舊牘乖盭者亦襲謬承譌漫不經理其何以徵信耶翼翼志修於

明朝順治間距今八十餘年中間雖經續輯尙未爬垢索

癡擇精抉粵頗嫌掛漏恩禱君乃於公退之餘奮然肆力研削無者增缺者補訛者正閱匝月而遂成完書且來問序余不獲辭先是余修郡志哀集成編翼爲平陽屬邑已具列體要今觀其成書分門析類起例發凡大含細入靡不燭照數計可以覘其賢且勞矣抑余見程純公題名記曰漢唐有天下數百年其間郡牧之傳者率纔數十人所記失實賢者之政不幸而無傳也翼邑名賢輩出代有傳人如宋文潞國公尤卓然在人耳目間君以實心行實政追蹤曩徽後先輝映以仰副

聖天子振興吏治之至意則政傳而志亦傳是乃余之厚望也夫

乾隆二年歲次丁巳冬仲穀旦中憲大夫知平陽府事加一級紀錄九次會稽章廷珪撰

原序

周禮外史掌書外令掌四方之志凡列爵之區莫不有志以達於王朝如晉之乘越之絕楚之檣杙魯之春秋魏之紀年諸書是已自封建降爲郡縣而外史外令之職遂廢然今之郡縣卽古之列國也故省有通志郡有合志下至一州一邑亦各有志凡境內山川之形勝疆域之由來戶口賦役之增除官制典禮之沿革以及良吏名臣潛德貞行可法可傳者無不備載我撫憲石公奉

翼城縣志

原序

一

李一

勅纂修通志鴻文鉅製固已珍同琬琰矣詞我

郡憲章公念平屬昔三十有四今僅一十有二復纂輯郡志縷分條析涵今茹古二志之中已具翼之大概矣但全省通郡幅幘遼濶庶務殷繁止可挈其綱領不能詳其節目若一邑之志雖培山勺水在所不遺片善微長亦所必錄况翼居河汾絳澮之間水土之衍深厚當畢蓄參井之次陰陽之氣冲和其君子思深小人儉嗇朝無奸官野無奸民士民有分男女不雜力稼穡恥游食富強之資仁義天性爲帝堯始封之墟叔虞剪桐之

國者乎余承乏茲邑已歷三載繙閱邑乘脫簡甚多且
猥雜漫漶不堪卒讀因憶先大人撫楚時修廢舉墜不
遺餘力而尤諄諄留心文獻余今日覩邑乘殘缺而諉
爲異人任非惟滋俗吏之譏亦恐墜先人之緒爰集邑
之紳若士而謀之咸有同心以修輯請第舊乘自前令
陳公應富繼修之後於今六十有五禩矣世閱

三朝人更數代雖山川不改疆域如故而戶口不無日增
賦役不無日廣官制典禮視前較盛良吏名臣接踵而
起而潛德貞行亦自多多也倘徒以一時撫拾名實互

翼城縣志

原序

二

李二

潯疑信參半是不修而志亡修之而志益亡也幸邑孝
廉王子二正有手定翼志存畧三十卷遠稽近考頗費
苦心較之舊乘尤爲詳備邑生王子國華於他氏得之
公諸同事重加編輯損者損益者益因者因革者革不
期月而告竣卷分二十有八其於山川疆域判如碁布
戶口賦役朗同星燦官制典禮皎若列眉至良吏名臣
潛德貞行載之簡端者悉皆核實從公務期信今傳後
雖不敢以步

二憲巨武庶幾一邑之有完書爾謹序

昔

乾隆二年歲次丁巳嘉平月知翼城縣事加二級滇南李
居頤撰

翼城縣志

原序

三

李三